

明·陳建撰
江旭奇補
明·刊本

皇明通紀集要
(二)

大瀛出版社有限公司印行

元明史料叢編 第三輯

皇明通紀集要(二)

六十卷 (明·刊本)

陳建
江旭奇補

文海出版社
有限公司
印行

皇明通紀集要卷八

東莞 陳 建輯

太學臣江旭奇訂

癸亥

洪武十六年

正月宋訥爲國子監祭酒曹國公文忠領國子監事
時太學初設學徒日衆師生相訐教尼不行故簡用
公又以學中多公族子弟欲得威望重臣鎮壓之令
曹國公領監事助糾繩

二月吳沉等進精誠錄

傅友德等平蒙化麻鄧川州前後斬首一萬三千餘
級蠻民降者四十萬戶 上以雲南平命耿炳文往

沐英留雲南

論囚須原情

諭傳友德班師沐英留鎮雲南麗川之外有國曰緬車里之外有國曰八百媳婦皆請內附

上諭刑部尚書開濟都御史詹徽等曰凡論囚須原情不可深入人罪昨民有子犯法當死其父行賄求免御史并欲罪之朕以父子至親子死而父救之人之至情也故但論其子而赦其父自今凡有論決必再三詳審覆奏而行毋重傷人命

有小人必敗君子

六月 上御謹身殿吳沉等進講周書國則罔有立政用險人 上曰有小人必敗君子故唐虞任禹稷必去四凶魯用仲尼必去少正卯小人巧于悅上忍

給諸番國
勘合

於賊下人君者喜其順適已意任其所爲受害者必
多怨將誰歸譬如犬馬噬人人不怨畜犬馬者乎
七月遣御史錄囚于諸省

十月給諸番國勘合 上以海外諸國進貢信使往
來真偽難辨遂命禮部置勘合文簿發諸國俾往來
俱有憑信稽考以杜奸詐之弊

吳復卒

高麗遣使張伯崔清來貢以違命却之令禮部諭王
安陸侯吳復卒于貴州追封黔國公塑像祀于功臣
廟

鞏昌侯郭興卒追封陝國公

建月通已

卷八 洪武

二

徐達鎮守北平

旌表徐允讓潘氏孝

皇明史記
與興滁陽王同名故止名興其父郭山甫謫太
祖于徵時命諸子謹事復以女人侍後爲皇寧妃
孝慈能當攝六宮事山甫追封榮國公
次子英亦封武定侯德成驍騎指揮

十二月初令儒學歲貢生員

甲子 洪武十七年

正月魏國公徐達鎮守北平

以孔子五十七代孫訥襲封衍聖公

旌表山陰縣民徐允讓及其妻潘氏孝節元末兵亂
讓與潘奉其父安避兵山中遇寇砍安頸流血讓抱
安大呼曰寧殺我毋害吾父寇捨安殺讓將辱潘潘
給曰夫死從汝必矣若能焚我夫則無憾也寇信之

建三法司

縱潘聚薪焚夫火方熾潘卽投火中死冠驚撲而去
安得不死至是有司以聞詔旌其門

二月詔建三法司于太平門鍾山之陰名曰貫城

三月大赦天下

頒行科舉成式三年一大比自是遂爲定制

詔舉秀才人才

曹國公李文忠有疾 上與東宮臨幸其第觀之是

月丙戌卒年四十有六 上痛悼輟朝親製文遣使

致祭追封岐陽王謚武靖賜塋鍾山配享 太廟塑

像功臣廟位皆第三

四月傅友德等凱旋至京論功進封友德穎國公食錄三千石封郭英武定侯胡海東川侯陳桓普定侯張翼鶴慶侯並食祿二千五百石並賜鎮券子孫世襲而仇成張龍王弼先已有功身受封侯今功著征南當及子孫世世承襲亦加祿二千五百石吳復金朝興先卒亦授世襲侯爵鐵券加祿同餘陞職賜金帛有差

六月令朝覲官上土地人民圖 上覽輿地圖侍臣有言輿地之廣古所未有者 上曰地廣則教化難周人衆則撫摩難徧此正當戒慎天命人心惟德是

天命人心
惟德是視

河南大水

禮紂以天下而亡湯以七十里而興所係在德豈在
地之大小

七月河南大水命賑恤之

盱眙人獻天書伏誅

皮作局大使許士哲言治道之急者十有四 上善

其言

卒
處士陳遇

九月江寧處士陳遇卒遇初爲元溫州路教授兵亂

隱于家國初以秦元之薦 上致書禮徵與語大悅

俾典戎務籌畫禮待甚厚稱爲先生而不名 上駕

屢幸其第咨以機密授以官輒辭常命爲翰林學士

者再又命爲太常卿爲禮部侍郎最後除禮部尚書
皆固辭羣臣以過被譴者率爲救解 上亮其誠未
嘗爲忤命其子充宿衛亦辭蓋恬淡盡退始終一致
至是卒遣中官賜祭及賻賜塋鍾山

十月冊李氏爲淑妃攝中宮事

秀才宋矩等十七人爲監察御史

閏十月欽天監博士元統言今曆雖以大統爲名而
積分猶授時之數見授時之法以至元辛巳爲曆元
至洪武甲子積一百四年經云大約七十年而差一
度每歲差一分五十秒辛巳至今年遠漸差臣今以

孔子孫世
祀知縣

聖人之教
猶天也

洪武甲子歲冬至爲大統曆元推行 上是其言擢
統爲監正欽天監監正李德茂又言故元至元辛巳
爲曆元上推往古每百年長一日每百年消一日永
久不可易也今監正元統改作洪武甲子曆元不用
消長之法非是元統復爭之 上曰二統皆難憑只
驗七政交會行度無差者爲是自是欽天監造曆以
洪武甲子爲曆元仍依舊法推筭不用捷法

十一月以孔子五十六世孫希文爲曲阜世職知縣
上謂部臣曰近命遼東立學校或言邊境不必建學
夫聖人之教猶天也天有風雨霜露無所不施聖人

之教亦無往不行昔箕子居朝鮮施八條之約故男
遵禮義女尚貞信管寧居遼東講詩書陳俎豆飾威
儀明禮讓而民化其德曾謂邊境之民不可以教乎
況武臣子弟久居邊境鮮聞禮教恐漸移其性今使
之誦詩書習禮儀非但可以造就其才他日亦可資
用

乙丑

洪武十八年

正月福建按察司陶垕仲劾奏布政使薛大方貪暴
大方誣訐垕仲至京事白大方得罪詔垕仲還官閩
人迎拜語曰陶使再來天有眼薛公不去地無皮後

五原見

徐達卒

卒于官

二月初昏五見並見求直

錄軍國重事太傅右丞相魏國公徐達卒達自五年北征還卽命沿邊輯守歲鎮于燕至是年始召還京師至冬疾作卒年五十四上慟悼罷朝親爲文祭之追封中山王謚武寧賜塋鍾山之陰上謂羣臣曰朕起自徒步大將軍爲股肱心膂戮力行陣東征西討削平羣醜克濟大勲今邊胡未殄方倚任爲萬里長城之寄而太陰累犯上將不意遽殞其命天何奪吾將之速朕夜來竟夕不寐欷歔流涕思盡心國

家爲社稷之重安得復有斯人乃欲有以報之無所用其情耳但著其勲烈宣于金石使後世知斯人爲國之元勲也遂親製神道碑稱其平昔言簡慮精當提兵之時令出不二諸將敬若神明所至攻城不屠與人不戲凡受命而出及成功而旋每不自矜至於封姑蘇之府庫置胡宮之美人財寶無所取婦女無所愛忠志無疵昭明乎日月命配享 太廟塑像祀於功臣廟位皆第一祖考三代皆封王爵子男四人皆 上所賜名輝祖襲魏國公添福勳衛增福左都督應緒都督僉事女四人長 仁孝文皇后次 安

王妃次代王妃

武寧夜侍飲強之醉既命內侍送至爲吳王時所
居宿焉中夜酒醒問曰此何處內侍曰舊內也即
起趨丹陛下北面四拜三叩頭而出上聞之喜
自此愈信愛不疑武寧嘗南征至姑蘇聘一女子
約之曰且不卽納當爲後期及師旋悔之令其
適女父堅求送女侍巾櫛武寧固拒更遺數十金
助資妝以謝負
約厚德類如此

會試天下貢士取分宜黃子澄第一新淦練子寧次
之旣而殿試以建陽丁顯爲第一子寧次之子澄又
次之並授翰林修撰

大學士朱訥上守邊策略曰今海內旣安蠻夷奉貢
惟沙漠未遵聲教若置之弗治恐歲久滋患邊圉卒

五色雲見

蠻夷作亂

荒若窮追遠擊、恐士馬疲費餽餉艱難 陛下爲聖
子神孫萬世計莫若善備邊之策耳備邊固在乎足
食足食又在乎屯田今諸將中豈皆借才於異代哉
宜選其智勇謀略者數人每將以東西五百里爲制
隨其遠近高下分屯所領衛兵斟酌損益率五百里
一將彼此相望首尾相應耕作以時訓練有法遇敵
則戰寇去則耕此長久安邊之策也 上善其言
四月五色雲再見

思州及五開山諸洞蠻夷作亂命信國公湯和江夏
侯周德興率師討之蠻寇聞王師至輒竄匿山谷退

周德興卒

湯和歸故

則欲復出剽剽和等乃於諸峒分屯勦捕夷其窟穴
俘戮四萬餘人旋師是秋周德興卒

開國功臣皆有祭贖贈卹恩典
德興無載者蓋獲譴也餘倣此

湯和還京師以年高思歸故鄉從容乞骸骨上喜
之賜鈔五萬俾還鳳陽面諭和曰日本小蠻屢擾東
海卿等老強爲朕行視要地築城增戍以固守備和
行築海上數十城民四丁取一爲兵以守之

更部尚書余煥以罪誅時國子祭酒宋訥以嚴爲衆
所嫉助教金文徵與煥同鄉謀逐之吏部移文令訥
致仕請陞辭上驚問故遂鞫得實以煥專擅威柄